

大明太宗皇帝御制藏經贊

朕惟如來為一大事出現演三

藏十二部之玄言。所以指教垂

義者尚矣。自其言流于中土。翻

譯其義。以化導群類。非上根圓

智之士。鮮能以通之。而得其要

者。或寡矣。天治心

道心也者。虛靈明

該貫萬理而無所

多聞。必由於藏海

於一心。以是修證。超乎圓妙。常

住不動。無有所蔽。此誠末世之

津梁。迷途之明炬也。朕撫臨大

統。仰承鴻基。念皇考皇妣生育

之恩。垂緒之德。劬勞莫報。乃遣

使往西土。取藏經之文。刊梓印



贊以願轉



施。以資為薦揚之典。下界一切

生靈。均沾無窮之福。如是功德

有不可名言。若夫世之由迷惑

真。交纏故業。茫然而莫之所歸

者。不究竟於斯。亦莫能得其體

而返其真也。推是心以濟拔流

來慈悲之

于卷首。且

如來演義諦 法音遍克周

世界恒河沙 一一皆具足

化導於群類 咸得成正觀

有漏諸微塵 悉超於覺海

歷阿僧祇劫 廣開方便門

迷妄執空華 一切了明徹



有一弗徹者 誓不成佛陀

我今念眾生 是故廣演說

深心奉塵刹 俱願澄菩提

上報二重恩 下濟諸途苦

昔登無上覺 欲漏盡消除

成就勝妙心 以拯諸末劫

廣此密因義 布施於竺乾

頻伽大梵音 至妙不思議

如十方擊鼓 礙於音聲

有耳皆獲聞 聞者即成覺

堅固無動轉 永不墮輪回

世尊為證明 作如是贊嘆

功德不可說 永被於生靈

永樂八年三月初九日

佛藏



NLIC 2970734678

上海世紀出版股份有限公司上海書店
時代出版傳媒股份有限公司黃山書社

第四六册目錄

十八部論	一卷	失譯師名	(席十)		一
部執異論	一卷	陳真諦譯	(席十)		四
異部宗輪論	一卷	唐玄奘譯	(席十)		八
雜阿毗曇心論	十六卷	宋僧伽跋摩譯	(鼓一—瑟六)		一二
阿毗曇心論	四卷	東晉僧伽提婆共慧遠譯	(瑟七—十)		一五四
尊婆須蜜菩薩所集論	十五卷	苻秦僧伽跋澄等譯	(吹一—笙五)		一八九
分別功德論	三卷	後漢失譯師名	(笙六—八)		三一六
入阿毗達磨論	二卷	唐玄奘譯	(笙九—十)		三四八
衆事分阿毗曇論	十二卷	劉宋求那跋陀羅共菩提耶舍譯	(升一—階二)		三六一
解脫道論	十二卷	梁僧伽婆羅譯	(階三—納三)		四五六
法勝阿毗曇心論	六卷	高齊那連提黎耶舍譯	(納四—九)		五四六
勝宗十句義論	一卷	唐玄奘譯	(納十)		五九八
阿毗達磨法蘊足論	十卷	唐玄奘譯	(陞一—十)		六〇三
立世阿毗曇論	十卷	陳真諦譯	(弁一—十)		六九一

宋元續入藏諸論

大乘集菩薩學論

二十五卷

宋法護共日稱譯

(轉一—疑二)

……………七六八

三論共卷

十八部論

部執異論

異部宗輪論

席十

十八部論

失

譯

人

名

文殊師利問經卷下分別部品第十五
爾時文殊師利白佛言世尊佛入涅槃後未
來弟子云何諸部分別云何根本佛告文殊

師利未來我弟子有二十部能令諸法住世
部者並得四果三藏平等無下中上譬如海
水味無有異如人有二十子真實如來所說
文殊師利根本二部從大乘出從般若波羅
蜜出聲聞緣覺諸佛悉從般若波羅蜜出文
殊師利如地水火風虛空是一切眾生所住
處如是般若波羅蜜及大乘是一切聲聞緣
覺諸佛出處文殊師利白佛言世尊云何名
部佛告文殊師利初二部者一摩訶僧祇此
大眾老小同會二體毗履此言老宿唯老宿
共集律部也

十八部論

也我入涅槃後一百歲內出一部名執一語

言所執與僧祇同故言一也於百歲內從執一語言部復

出一部名高拘梨部是出律主姓也於百歲內從高

拘梨出一部名多聞出律主姓也於百歲內從

多聞出一部名只底舸此山名出律主居處也於百歲

內從只底舸出一部名東山亦律主居處也於百歲

內從東山出一部名北山亦律主居處也此謂從摩

訶僧祇部出於七部及本僧祇是為八部於

百歲內從體毗履部出十一部於百歲內出

一部名一切語言律主執三世有故一切所語言也於百歲

內從一切語言出一部名雪山亦律主行處也於百

歲內從雪山出一部名犢子律主姓也於百歲內

從犢子出一部名法勝律主姓也於百歲內從法

勝出一部名賢律主姓也於百歲內從賢出一

部名一切所貴律主姓也於百歲內從一切

所貴出一部名務山律主居處也於百歲內從務

山出一部名大不可棄律主父追尋之難墜不天於百歲內從大不可棄出一部

名法護律主姓也於百歲內從法護出一部名迦

葉律主姓也於百歲內從迦葉比出一部名修

業律主姓也於百歲內從迦葉比出一部名修

妬路句律主執修妬路義也此謂體毗履部出十一部

及體毗履成十二部佛說此祇夜

摩訶僧祇部分別出有七體毗履十一

是謂十二部十八及本二悉從大乘出

無是亦無非我說未來起羅什法師集

正覺涅槃後治滿百餘歲於茲異論興

正法漸衰滅各各生異見建立於別衆

危險甚可畏應生歇離心今於修多羅

觀察佛正教依於真諦說求於堅固義

猶如砂礫中求得真金寶我從先聖聞

如來人中曰

佛滅度後百一十六年城名已達弗時阿育

王王閭浮提匡於天下爾時大僧別部異法

時有比丘一名能二名因緣三名多聞說有

五處以教衆生所謂從他饒益無知疑由觀

察言說得道此是佛從始生二部一謂摩訶

僧祇二謂他鞞羅泰言上座部也即此百餘年中摩

訶僧祇部更生異部一名一說二名出世間

說三名密居又於一百餘年中摩訶僧祇部

中復生異部名施設論又二百年中摩訶提

婆外道出家住支提山於摩訶僧祇部中復建立三部一名支提加二名佛婆羅三名鬱多羅施羅如是摩訶僧祇中分為九部一名摩訶僧祇二名一說三名出世間說四名窟居五名多聞六名施設七名遊迦八名阿羅說九名鬱多羅施羅部至三百年中上座部中因諍論事立為異部一名薩婆多亦名因論先上座部二名雪山部即此三百年中於薩婆多部中更生異部名犢子即此三百年中犢子部復生異部一名達摩鬱多梨二名跋陀羅耶尼三名彌離亦言三彌底四名六城部即此三百年中薩婆多中更生異部名彌沙部彌沙部中復生異部因師主因執連名曇無德即此三百年中薩婆多部中更生異部名優梨沙亦名迦葉惟於四百年中薩婆多部中更生異部因大師鬱多羅名僧迦蘭多亦名修多羅論如是上座部中分為十二部一名上座部二名雪山三名薩婆多四名犢子五名達摩鬱多梨六名跋陀羅耶尼七名彌離底八名六城部九名彌沙塞十名

曇無德十一名迦葉惟十二名修多羅論部今當說根本及中間義彼摩訶僧祇一說出世間說窟居此根本皆說佛世尊一切出世間無有如來是世間法如來一切說皆是轉法輪盡說一切事一切相一切義說如來色無邊光明無量壽命無量念信樂生無有厭足佛不睡眠無問思答無所言說常一其心羣生無種種無數皆從如來聞說解如來一心如一切法一念相應慧覺一切法如來一切時盡智無生智常現在前乃至涅槃菩薩不愛母胎白象形降神母胎一切菩薩從右脅生菩薩無有愛想恚害想為眾生故願生惡趣成就一切煩惱眾生一切聞知觀生聖諦說有欲有離欲色無色界具六識身五根肉段眼不見色乃至身不覺觸禪定中間亦有言說亦調伏心亦攝受思惟一切作法無有處所須陀洹心數心知其自阿羅漢處從他饒益無知有疑由他觀察言說得道智慧方便得離生死亦得安樂從第八退乃至種性法亦說有退須陀洹退法阿羅漢亦有退

法無世俗正見有世俗信根無有記法超昇離生不斷一切結須陀洹能作一切惡行唯除無間罪一切修多羅皆依了義九種無為法謂數滅非數滅虛空虛空處識處無所有處非想非非想處十二緣起支道支心性自淨佛為客煩惱所染諸使非心並心法無緣使異纏纏異使心不相應無有過去未來世法入非智知非無有治須陀洹得禪定如是等名根本所見中間見者隨其別觀察少有自作少有他作少有因緣起一時有二心俱生道即煩惱業想種子即是取諸根四大轉變相續非心心法心滿身中皆可得如是皆攝受欲是名中間所見也彼多聞根本見者佛說五種出世間法無常苦空無我寂滅涅槃出道餘者世俗阿羅漢有從他饒益有無知有疑由他觀察言說得道諸餘一切薩婆多見同也彼施設根本見者若說諸陰即非業諸不成諸行展轉施設者無智士夫事無橫死由本業所得長養業根生一切苦從業生福德生

聖道道不修亦不失餘一切與摩訶僧祇見同也

彼支提羅阿婆多羅施羅根本見者菩薩離惡趣供養偷盜無大果報阿羅漢有他饒益無知有疑由他觀察言說得道餘者一切與摩訶僧祇同見

彼薩婆多根本見者說一切有性二種攝一切法謂名及色有道共未來世有法入知法識明法生住滅有為相三無為三諦有為相一諦無為相四諦次第第無間等空無相無願

超昇離生思惟欲界繫超昇離生十五心為向第十六心名為住果世間第一法一心前三方便有退世間第一不退須陀洹果是不退法阿羅漢有退法非一切阿羅漢得無生智凡夫得離欲瞋恚外道有五通諸天亦得修梵行於七正得覺支非餘禪攝念處不依禪得超昇離生得阿羅漢果色界得阿羅漢果而不得超昇離生無有比鬱單越人得離欲彼亦不得聖道無想天亦不必次第得四沙門果超昇離生以世俗得斯陀含阿

那含果四念處一切法諸使心相應一切使是有纏而非使緣起支是有為說阿羅漢有緣超支阿羅漢有功德增長欲界色界有中陰五識身是有欲五識身還自相應非思惟非心數法心心是緣自性自性不相應心不相應有世俗正見有世俗信根有無願阿羅漢無有學法一切阿羅漢得禪而不必現前阿羅漢有宿業受報有凡夫不善心命終正受中無命終菩薩是凡夫有結使未超昇離生未超凡夫地受身衆生數施設一切行磨滅無法從此世至他世世俗數說言有此世至他世命未終諸行取已盡無有法轉變有出世間禪有覺有觀無漏有善是因禪定中無言說八聖道是法輪非如來一切說是轉法輪佛不說一切事非一切說如義非一切契經是了義有如是等無量中聞見也

彼雪山部根本見者菩薩凡夫離無明淨佛國土降神母胎外道無五通諸天不得修梵行有阿羅漢從他饒益無知疑由他觀察言說得道諸餘一切有薩婆多見同

彼犢子部根本見者非即是人亦非離陰界得和合施設故一切陰剎那不住離人無有法從此世至他世當說人至彼外道有五通五識身非有欲亦非離欲欲界繫結使修道斷得離欲非見諦斷忍名相世間第一法超昇離生十二心起名向第十三心名為住果與見者多梨羅耶尼三彌底六城有諸有別說偈分別得說而復墮墮已深貪著從業而得業

彼彌沙塞部根本見者無過去未來世唯有

現在及無為於四真諦一無間等見若即名見諦苦者即明見真諦諸使非心心諸非有緣使異纏纏亦異使心不相應纏與心相應凡夫不欲瞋恚外道無五通諸天不得修梵行無中陰阿羅漢無有功德增益五識身有欲亦離欲六識身覺觀相應無有世俗正見無世俗信根無有出世間禪無覺出世間法無有善為因須陀洹有退法阿羅漢亦有退法道支是念處攝有九無為事謂數滅非數滅虛空善法也不善法如無記法如道緣起

如從胎乃至死諸根四大轉變自滅心心數法亦轉變自滅佛僧中可得施僧得大果報非佛佛與聲聞同一道一解脫一切行剎那無有法從此世至他世如是等根本見同此等諸中間見者有過去未來世有中陰法入知法識法思業無有身業口業覺觀心相應大地住劫供養偷婆少果報法現在前名使陰界入現在前已法種子能生諸苦謂無明渴愛見業是名中間見法也

彼曇無德根本見者佛非僧中可得施佛得大果報非僧佛道異聲聞道外道無有五通羅漢身是無漏餘一切與摩訶僧祇部同見也彼迦葉惟部根本見者有斷法斷知無有不斷法而斷知業熟而受報不熟不受報有過去因果無有未來因果有一切法剎那有覺法有報餘一切與曇無德部同見彼相續部根本見者陰從此世至他世非離聖道得滅陰陰有約根本有第一人餘一切與薩婆多部見同是略說一切部見十八部論

部執異論

天友著陸造
陳三藏真諦譯

佛滅百年後弟子部執異損如來正教及衆生利益於不了義經如言執故失起衆生厭怖令依理教說天友大菩薩觀苦發弘誓勝智定悲心思擇如此義我見諸衆生隨種種見流故說真實義如佛言所顯若知佛正教聖諦為根本故應取實義猶如沙中金

如是所聞佛世尊滅後滿一百年譬如朗日隱頽悉多山過百年後更六十年有一大國名波吒梨弗多羅王名阿輸柯王閻浮提有大白蓋覆一天下如是時中大衆破散破散大衆凡有四種一大國衆二外邊衆三多聞衆四大德衆此四大衆共說外道所立五種因緣五因緣者如彼偈說餘人染汙衣無明疑他度聖道言所顯是諸佛正教思擇此五處分成兩部一大衆部二上座弟

子部至第二百年中從大衆部又出三部一說部二出世說部三灰山住部於此第二百年中從大衆部又出一部名得多聞部於此第二百年中從大衆部又出一部名分別說部此第二百年滿有一外道名曰大天於大衆部中出家獨處山間宣說大衆部五種執異自分成兩部一支提山部二北山部如是大衆部四破五破合成七部一大衆部二一說部三出世說部四灰山住部五得多聞部六分別說部七支提山部北山部上座弟

子部住世若干年至第三百年中有小因緣分成兩部一說一切有部亦名說因部二雪山住部亦名上座弟子部於此第三百年中從說一切有部又出一部名可住子弟子部於此第三百年中從可住子弟子部又出四部一法上部二賢乘部三正量弟子部四密林住部於此第三百年中從說一切有部又出一部名正地部於此第三百年中從正地部又出一部名法護部此部自說勿伽羅是我大師於此第三百年中從說一切有部又

出一部名善歲部亦名飲光弟子部至第四百年中從說一切有部又出一部名說度部亦名說經部如是上座弟子部合成十一部一說一切有部二雪山住部三可住弟子部四法上部五賢乘部六正量弟子部七密林住部八正地部九法護部十善歲部十一說度部此諸部是執義本執義有異我今當說是執義本者大眾部一說部出世說部灰山住部此四部是執義本此諸部說一切佛世尊出世無有如來一法而是有漏如來

所出語皆為轉法輪如來一音能說一切法如來語無不如義如來色身無邊如來威德勢力無減如來壽量無邊如來教化眾生令生樂信無厭足心如來常無睡眠如來答問無思惟如來所出語皆令眾生愛樂心如來心恒在觀寂靜不動如來一心能通一切境界如來一剎那相應般若能解一切法如來盡智無生智恒平等隨心而行乃至無餘涅槃一切菩薩入胎中無有柯羅邏頻陀早尸伽訶那捨佉波羅捨伽難捨盧摩那佉

等菩薩欲入胎時皆作白象相貌菩薩出胎皆從母右脅而生一切菩薩無貪欲想無瞋恚想無過惱他想若菩薩有願欲生惡道以願力故即得往生菩薩為教化成就眾生故入惡道不為煩惱業繫縛故受此生一心正

對觀四聖諦一智通四聖諦及四聖諦相五識中有染淨色無色界亦有六識聚五根即是肉團眼不見色乃至身不覺觸若心在定亦得有語折伏心恒有相壞心恒有是故凡夫有上下已成就法無處所須艱多阿半要方

切那心及心法知自性有阿羅漢多他以不淨染汙其衣阿羅漢多有無知有疑惑有他度聖道亦為言所顯說苦亦是道說苦亦是因般若相應滅苦苦受亦是食第八亦久住乃至性法退須艱多阿半那退法阿羅漢多不退法世間無正見世間無信根無無記法若人入正定一切結滅須艱多阿半那能作一切惡唯不作五逆一切諸經無不了義無為法有九種一思擇滅二非思擇滅三虛空四空處五識處六無所有處七非想非非想

處八十二因緣生分九八聖道分心者自性清淨客塵所汙一隨眠煩惱二倒起煩惱隨眠煩惱非心非心法無所緣隨眠煩惱異倒起煩惱異隨眠煩惱與心相離倒起煩惱與心相應過去未來是無現在是有法入非所

知非所識中陰十二是無須艱多阿半那得定此四部是執義本執義異者大眾部執義異餘三部四聖諦悉真實有知如對可讚行有苦是自所作有苦是他所作有苦是兩所作有苦非兩所作有苦依因緣生有不依因緣生

一時中有多心和合道與煩惱並起業與果並起種子即是芽六根四大轉異心心法不轉異心遍滿身心增長應知有如是諸義諸部信樂不同各有所執是名執義異多聞部是執義本如來五鳴應說出世五鳴者謂無常苦空無我寂靜涅槃此五鳴是正出世道如來餘鳴是世間道有阿羅漢多他以不淨染汙其衣阿羅漢多有無知有疑惑有他度聖道亦為言所顯餘所執與說一切有部所執相似分別說部是執義本苦非是陰一切

入不成就一切有為法相待假故立名苦無
人功力無非時節死一切所得先業造增長
因果能生業一切諸苦從業生聖道由福德
得聖道非修得餘所執與大眾部所執相似
支提山部北山部此二部是執義本菩薩不
脫惡道手數波中恭敬事得報少有阿羅漢
多他以不淨染汙其衣阿羅漢多有無知有
疑惑有他度聖道亦為言所顯餘所執與大
眾部所執相似說一切有部是執義本一切
有知有如是兩法攝一切過去現在未來是

有一依正說二依二法三依有境界四依有
果法入有三所識所知所通達生老住無常
是行與心不相應行陰所攝有為種類三無
為種類三有為相三無為相三四諦中三諦
有為一諦無為四諦次第觀若人欲入正定
必緣空解脫門無願解脫門得入正定若觀
欲界相應諸行得入正定若人已入正定在
十五心中名須毘多阿半那向若至第十六
心名須毘多阿半那世第一法一剎那心三
方便有退義世第一法無退義須毘多阿半

那無退義阿羅漢多有退義一切阿羅漢多
不盡得無生智凡夫亦能捨欲及瞋外道得
五通亦亦有夫嵐摩於七定有覺分餘定則
無一切諸定無不是四念處所攝若不依禪
定得入正定亦得阿羅漢多依色界無色界
心得阿羅漢多不得入正定欲界中得入正
定亦得阿羅漢多鬱多羅鳩婁無離欲人聖
人亦不生彼處聖人亦不生無想天不必次第
定得聖道四果若人已入正定依世道得至
婆凡里陀如寐阿那伽寐四念處可說一切

法隨眠煩惱是心法不與心相應一切隨眠
煩惱可立倒起名一切倒起煩惱可立倒起
名不可立隨眠名十二緣生是有為十二緣
生分亦有隨阿羅漢多行阿羅漢多亦有福
德增長欲色界中有中隨五識現起時得生
欲不得離欲五識執別相無分別有心及助
心法心及助心法定有境界自性與自性不
相應心與心不相應世間有正見世間有信
根有無說法阿羅漢多無有學法一切阿羅
漢多皆得定一切阿羅漢多不皆證定阿羅

漢多有宿業猶得報一切凡夫亦有在善心
死若人正在定必定不死如來與弟子滅滅
無異如來慈悲不取眾生作境界若人執眾
生相解脫意不得成就一切菩薩定是凡夫
具九結若菩薩已入正定者未度凡夫是地
是所取相續假名眾生一切行剎尼柯無有
法從此世至後世依世假名說弗伽羅度人
正法時行聚滅無餘諸陰無變異有出定定
有諸學是無漏有善是有因若人正在定則
無語言八分聖道是名法輪世尊一切語不

皆是轉法輪一音不具說一切法一切語不
皆如義一切經不盡是了義有經不了義說
一切有部是執此義本更有執異則無窮靈
山部是執義本說菩薩是凡夫無有貪受生
不為胎等所裹外道無五通天無夫嵐摩有
阿羅漢多他以不淨染汙其衣阿羅漢多有
無知有疑惑有他度聖道亦為言所顯餘所
執與說一切有部所執相似可住子部是執
義本非即五陰是人非異五陰是人攝陰界
入故立人等假名有三種假一攝一切假二

攝一分假三攝滅度假一切有為法剎那剎那滅離色無有一法從此世至後世可說人有移外道有五通若人正生五識無欲無離欲欲界相應諸結修道所破若人能斷則得離欲欲界見道所破則不如是忍名相世第一法此四住名正定若人已入正定在十二心中是名須臾多阿半那向至第十三心名須臾多阿半那一切衆生有二種失一意失二事失生死有二種因最上一煩惱二業二種法是解脫最上因謂毗鉢舍那奢摩他若不依自體增上緣慙羞正法則不屬此人煩惱根本有二種恒隨一切衆生行謂無明有愛有七種清淨處佛智於戒等不相應諸境以依正所了緣悉能通達一切法若以滅攝之凡有六種色無色界無入正定菩薩於中恒生若已生盡智無生智得名為佛如來說經有三義一顯生死過失二顯解脫功德三無所顯可住子部是執此義本從本因一偈故此部分成四部謂法上部賢乘部正量弟子部密林住部偈言

已得解脫更退墮 墮由貪著而復還
已至安處遊可愛 隨樂行故至樂所
正地部是執義本過去未來是無現在及無為是有四聖諦一時觀若見苦諦即見一切諦見已曾見諸諦隨眠煩惱非心非助心法無有境界隨眠煩惱異起煩惱異隨眠煩惱與心不相應倒起煩惱與心相應凡夫不捨欲界欲及瞋外道無五通天無夫嵐摩無中陰阿羅漢多福德無增長五識聚有染離六識聚與覺觀相應有時顯聚生世間無正見世間無信根無出世定覺觀無無漏有因無善須臾多阿半那有退法阿羅漢多無退法道分是四念處所攝無為法有九種一思擇滅二非思擇滅三虛空四無我五善如六惡如七無記如八道如九緣生如受生是始死墮為終四大五根心及助心法皆有變異大眾中有佛若施大眾得報則大若別施佛功德則不及一切佛及一切聲聞同一道同一解脫一切行剎尼柯無有一法從此世度後世正地部是執此義本此部復執異義過

去未來是有中陰法入有二種所知及所識作意是正業無身口二業覺觀是相應法大地則劫住依斗數波恭敬事無有執一切隨眠煩惱恒在現世陰界入三法恒在現世離法偈言

五法是決定 諸苦從之生 無明心貪愛
五見及諸業

諸部義本皆同為執有異故成別部法護部是執義本僧中有佛世尊依斗數波起恭敬有勝報恭敬大眾則不及佛道異聲聞道異

外道無五通阿羅漢多身無漏餘所執與大眾部所執相似善歲部是執義本法已有所滅已有所離則無未滅未離則有若業果已熟則無未熟則有有為法不以過去法為因以現在及未來法為用一切諸行剎尼柯有學法有果報餘所執與法護部所執相似說度部是執義本陰從前世至後世若離聖道本陰不滅陰有本末凡夫位中有聖法有真實人餘所執與說一切有部所執相似舊所出經論中亦有十八部名但音多訛異不復

如本今謹別存天竺本名仍以論初大衆等
名次第相對翻之翻殊難具如義疏中釋也
初分成兩部天竺呼部一摩訶僧者柯部二
他毗梨與部次從摩訶僧者柯部又出三部
一荷柯毗與婆訶利柯部二盧俱多羅婆拖
部三高俱梨柯部亦言高俱毗柯部次從摩
訶僧者柯部又出一部名婆毗輸底音柯部
次從摩訶僧者柯部又出一部名彼羅若底
婆拖部次有外道名摩訶提婆於摩訶僧者
柯部中出家自分成兩部一支底與世羅音上
部二鬱多羅世羅音上部次從他毗梨與部又
分成兩部一薩婆阿私底音支下同婆拖部亦名
醯兜婆拖部二醯摩跋多部亦名他毗梨與
部次從薩婆阿私底婆拖部又出一部名跋
私弗底梨與部次從跋私弗底梨與部又出
四部一達謨多梨與部二跋陀與尼與部三
三眉底與部四山拖伽梨柯部次從薩婆阿
私底婆拖部又出一部名彌嬉捨婆柯部次
從彌嬉捨婆柯部又出一部名達摩及多部
次從薩婆阿私底婆陀部又出一部名蘇跋

梨沙柯部亦名柯尸悲與部次從薩婆阿私
底婆拖部又出一部名僧千蘭底音上婆拖部
亦名修丹蘭多婆拖部

部執異論

異部宗輪論

世 友 菩 薩 造

唐三藏法師玄奘奉詔譯

佛般涅槃後 適滿百餘年 聖教異部興
便引不饒益 展轉執異故 隨有諸部起

依自阿笈摩 說彼執令狀 世友大菩薩
具大智覺慧 釋種真苾芻 觀彼時思擇
等觀諸世間 種種見漂轉 分破牟尼語
彼彼宗當說 應審觀佛教 聖諦說為依
如柔沙中金 擇取其真實

如是傳聞佛薄伽梵般涅槃後百有餘年去
聖時淹如日久沒摩竭陀國俱蘇摩城王號
無憂統攝瞻部咸一白蓋化洽人神是時佛
法大衆初破謂因四衆共議大天五事不同
分為兩部一大衆部二上座部四衆者何一

龍象衆二邊部衆三多聞衆四大德衆其五
事者如彼頌言
餘所誘無知 猶豫他令入 道因聲故起
是名眞佛教

後即於此第二百年大衆部中流出三部一
一說部二說出世部三雞胤部次後於此第
二百年大衆部中復出一部名多聞部次後
於此第二百年大衆部中更出一部名說假
部第二百年滿時有一出家外道捨邪歸正
亦名大天大衆部中出家受具多聞精進居
制多山與彼部僧重詳五事因茲乖諍分為
三部一制多山部二西山住部三北山住部
如是大衆部四破或五破本末別說合成九
部一大衆部二一說部三說出世部四雞胤
部五多聞部六說假部七制多山部八西山
住部九北山住部其上座部經爾所時一味
和合三百年初有少乖諍分為兩部一說一
切有部亦名說因部二即本上座部轉名雪
山部後即於此第三百年中從說一切有部
汎出一部名犢子部次後於此第三百年從

續子部流出四部一法上部二賢胃部三正量部四密林山部次後於此第三百年從說一切有部復出一部名化地部次後於此第三百年從化地部流出一部名法藏部自稱我襲耒菽氏師至三百年末從說一切有部復出一部名飲光部亦名善歲部至第四百年初從說一切有部復出一部名經量部亦名說轉部自稱我以慶喜為師如是上座部七破惑八破本末別說成十一部一說一切有部二雪山部三續子部四法上部五賢胃

部六正量部七密林山部八化地部九法藏部十飲光部十一經量部

如是諸部本宗末宗同義異義我今當說此中大衆部一說部說出世部難胤部本宗同義者謂四部同說諸佛世尊皆是出世一切如來無有漏法諸如來語皆轉法輪佛以一音說一切法世尊所說無不如義如來色身實無邊際如來威力亦無邊際諸佛壽量亦無邊際佛化有情令生淨信無厭足心佛無睡夢如來答問不待思惟佛一切時不說名

等常在定故然諸有情謂說名等歡喜踊躍一剎那心了一切法一剎那心相應般若知一切法諸佛世尊盡智無生智恒常隨轉乃至般涅槃一切菩薩入母胎中皆不執受羯刺藍頰部曇尸鍵南為自體一切菩薩入母胎時作白象形一切菩薩出母胎時皆從右脅生一切菩薩不起欲想恚想害想菩薩為欲饒益有情願生惡趣隨意能往以一剎那現觀邊智遍知四諦諸相差別眼等五識身有染有離染色無色界具六識身五種色

根肉團為體眼不見色耳不聞聲鼻不嗅香舌不嘗味身不覺觸在等引位有發語言亦有調伏心亦有諍作意所作已辦無客受法諸預流者心心所法能了自性有阿羅漢為餘所誘猶有無知亦有猶豫他令悟入道因聲起苦能引道苦言能助慧為加行能滅眾苦亦能引樂苦亦是食第八地中亦得久住乃至性地法皆可說有退豫流者有退義阿羅漢無退義無世間正見無世間信根無無記法入正性離生時可說斷一切結諸預流

者造一切惡唯除無間佛所說經皆是了義無為法有九種一擇滅二非擇滅三虛空四空無邊處五識無邊處六無所有處七非想非非想處八緣起支性九聖道支性心性本淨客塵隨煩惱之所雜染說為不淨隨眠非心非心所法亦無所緣隨眠異纏纏異隨眠應說隨眠與心不相應纏與心相應過去未來非實有體一切法處非所知非所識是所通達都無中有諸預流者亦得靜慮如是等是本宗同義此四部末宗異義者如如聖諦

諸相差別如是如有別現觀有少法是自所作有少法是他所作有少法是俱所作有少法從眾緣生有於一時二心俱起遂與煩惱客俱現前業與異熟有俱時轉種即為芽色根大種有轉變義心心所法無轉變義心遍於身心隨依境卷舒可得諸如是等末宗所執展轉差別有無量門

其多聞部本宗同義謂佛五音是出世教一無常二苦三空四無我五涅槃寂靜此五能引出離道故如來餘音是世間教有阿羅漢

為餘所誘猶有無知亦有猶豫他令悟入道因聲起餘所執多說同一切有部

其說假部本宗同義謂若非蘊十二處非真實諸行相待展轉和合假名為苦無士夫用無非時死先業所得業增長為因有異熟果轉由福故得聖道道不可修道不可壞餘義多同大眾部執

其制多山部西山住部北山住部如是三部本宗同義謂諸菩薩不脫惡趣於空堵波與供養業不得大果有阿羅漢為餘所誘此等

五事及餘義門所執多同大眾部說

其說一切有部本宗同義者謂一切有部諸是有者皆二所攝一名二色過去未來體亦實有一切法處皆是所知亦是所識及所通達生老住無常想心不相應行蘊所攝有為事有三種無為事亦有三種三有為相別有實體三諦是有為一諦是無為四聖諦漸現觀依空無願二三摩地俱容得入正性離生思惟欲得入正性離生若已得入正性離生十五心頃說名行向第十六心說名住果世

第一法一心三品世第一法定不可退預流者無退義阿羅漢有退義非諸阿羅漢皆得無生智異生能斷欲貪瞋恚有諸外道能得五通亦有天中住梵行者七等至中覺支可得非餘等至一切靜慮皆念住攝不依靜慮得入正性離生亦得阿羅漢果若依色界無色界身離能證得阿羅漢果而不能入正性離生亦得阿羅漢果若依色界無色界身雖能證得阿羅漢果而不能入正性離生依欲界身非但能入正性離生亦能證得阿羅漢果此俱虛洲無離染者聖不生彼及無想天四沙門果非定漸得若先已入正性離生依世俗道有證一來及不還果可說四念住能攝一切法一切隨眠皆是心所與心相應有所緣境一切隨眠皆纏所攝非一切纏皆隨眠攝緣起支性定是有為亦有緣起支隨阿羅漢轉有阿羅漢增長福業唯欲色界定中有眼等五識身有染無雜染但取自相唯無分別心心所法體各實有心及心所定有所緣自性不與自性相應心不與心相應有

世間正見有世間信根有無記法諸阿羅漢亦有非學非無學法諸阿羅漢皆得靜慮非皆能起靜慮現前有阿羅漢猶受故業有諸異生住善心死在等引位必不命終佛與二乘解脫無異三乘聖道各有差別佛慈悲等不緣有情執有有情不得解脫應言菩薩猶是異生諸結未斷若未已入正性離生於異生地未名超越有情但依現有執受相續假立說一切行皆剎那滅定無少法能從前世轉至後世但有世俗補特伽羅說有移轉活時行攝即無餘滅無轉變諸蘊有出世靜慮尋亦有無漏有善是有因等引位中無發語者八支聖道是正法轉非如來語皆為轉法輪非佛一音能說一切法世尊亦有不如義言佛所說經非皆了義佛自說有不了義經此等皆為本宗同義末宗異義其類無邊其雪山部本宗同義謂諸菩薩猶是異生菩薩入胎不起貪愛無諸外道能得五通亦無天中住梵行者有阿羅漢為餘所引猶有無知亦有猶豫他令悟入道因聲起餘所執多

同說一切有部

其續子部本宗同義謂補特伽羅非即蘊離蘊依蘊處界假施設名諸行有暫住亦有剎那滅諸法若離補特伽羅無從前世轉至後世依補特伽羅可說有移轉亦有外道能得五通有十五識無染亦非離染若斷欲界修所斷結名為離欲非見所斷即忍名相世第一法名能趣入正性離生若已得入正性離生十二心頃說名行向第十三心說名住果有如是等多差別義因釋一頌執義不同從此部

中流出四部謂法上部賢胃部正量部密林山部所釋頌言

已解脫更隨 隨由貪復還 獲安喜所樂 隨樂行至樂

其化地部本宗同義謂過去未來是無現在無為是有於四聖諦一時現觀見苦諦時能見諸諦要已見者能如是見隨眠非心亦非心所一無所緣與纏異隨眠自性心不相應纏自性心相應異生不斷欲貪瞋恚無諸外道能得五通亦無天中住梵行者定無中有

無阿羅漢增長福業五識有染亦有離染六識皆與尋同相應亦有齊首補特伽羅有世間正見無世間信根無出世靜慮亦無無漏尋若非有因預流有退諸阿羅漢定無退者道古賢是念住所攝無為法有九種一擇滅

二非擇滅三虛空四不動五善法具如六不善法具如七無記法具如八道支具如九緣起真如入胎為初命終後為色根大種皆有轉變心心所法亦有轉變僧中有佛故施僧者便獲大果非別施佛佛與二乘皆同一道

同一解脫說一切行皆剎那滅定無少法能從前世轉至後世此等是彼本宗同義其末宗異義者謂說實有過去未來亦有中有一切法處皆是所知亦是所識業實是思無身語業尋伺相應大地劫住於空塔波興供養業所獲界少隨眠自性恒居現在諸蘊處界亦恒現在此部本宗因釋一頌執義有異如彼頌言

五法定能縛 諸苦從之生 謂無明貪愛五見及諸業

其法藏部本宗同義謂佛雖在僧中所攝然別施佛果大非僧於空塔波興供養業獲廣大果佛與二乘解脫雖一而聖道異無諸外道能得五通阿羅漢身皆是無漏餘義多同大眾部執

其欲光部本宗同義謂若法已斷已遍知則無未斷未遍知則有若業果已熟則無果未熟則有有諸行以過去為因無諸行以未來為因一切行皆剎那滅諸有學法有異熟果餘義多同法藏部執

其經量部本宗同義謂說諸蘊有從前世轉至後世立說轉名非離聖道有蘊永滅有根邊蘊有一味蘊異生位中亦有聖法執有勝義補特伽羅餘所執多同說一切有部三藏法師翻此論竟述重譯意乃說頌言

備詳眾梵本 再譯宗輪論 文恆義無謬 智者應勤學

異部宗輪論

音釋

[illegible]

雜阿毗曇心論卷第一上

尊者法救造

宋天竺三藏僧伽跋摩等譯

序品第一

古昔諸大師
於諸甚深法
多聞見聖跡

已說一切義
阿毗曇心論
或復廣無量
光顯善隨順
智者尚不了
精勤方便求
多聞者已說
如是種種說
唯此論為最
極略難解知
未曾得異分
或有極總略
不順脩多羅
無依虛空論
極廣令智退

我今處中說
廣說義莊嚴

所執若於三藏者爲無依虛空論也

敬禮尊法勝
所說我頂受
我達磨多羅

說彼未曾說
弟子咸勸請
毗曇毗婆沙

專精思惟義
賢衆所應學
正要易解了

離惱濟群生

復次爲顯現清淨煩惱對治依阿毗曇毗婆沙所應故大德法勝及我達磨多羅共莊嚴

雜阿毗曇心離諸廣略說真實義問且置真實義云何名阿毗曇云何名毗婆沙答於牟尼所說等諦第一義諦甚深義味宣揚顯說真實性義名阿毗曇又能顯現修多羅義如燈照明是慧根性若取自相則覺法是阿毗

雪若取衆具是五陰性名者諸論中勝趣向
解脫是名阿毗曇復次毗婆沙者於牟尼所
說性真實義問荅分別究暢真要隨順修多
羅開悅衆心所謂性相名字地依行緣念智
根定世善及界學見諦斷義緣方便得亦離

欲得何處初起攝相應因緣果有果等無量諸法種種義生說種種類種種說是名毗婆沙論如佛世尊略說二智法智比智毗婆沙論無量分別所謂彼法智者是無漏慧性是智相名者初知法故是名法智在六地依欲

界十六行境界四諦四念處智即智相三根

三三昧相應三昧者覺持也三三昧計有覺有觀無覺有觀無覺無觀也

墮三世緣三世及離世是善緣三種謂善無記

是不繫緣欲界及不繫是學無學緣三種學

無學非學是不斷緣三種謂見諦斷修斷也名緣

及義緣方便得離欲得欲界起法界法入行陰所攝意界法界意識界相應三因自性三因所生四緣自性四緣所生是初生無漏依果及功用果俱生者唯功用果有果者三果謂前二及解脫果不說增上果如是一切法應當知問已知久遠緣起根本阿毗曇毗婆沙說彼對治何故說真實義答為知真實義故若不分別諸論難可了知以不知故實智不生實智不生故不知真實不知真實故不見煩惱諸行過惡以不見過故墮於惡趣與

彼相違則生解脫問已說所以說當說真實義答是論於諸論中最高殊勝具足顯示一切境界於阿毗曇論增廣智慧五濁世增時命智慧念皆悉損減觀察是等於廣大論聞持恐怖為利自他略說真實三時善說哀愍外道邪論諸師遠慕前勝正論法主及諸聖眾普於是中生大敬信開發眾生佛法僧念故顯示三寶真實功德為造論端故說是偈心界品第二
頂禮前最勝 離惱安教尊 所說悉具足

羅漢見真諦

頂禮者起善心轉愛果舉體敬禮也前者先也何者為先謂最勝也示供養處故最勝者有何義伏諸煩惱故名最勝如偈所說憂波伽當知如我等諸佛悉已離諸漏是故名最勝離惱者煩惱諸纏繞其身心世尊曠劫悉安眾生熾然永盡故名離惱安樂說故當知離惱是故次說安教安者謂安隱也教謂言說也教有所安故曰安教略說自安安他離惱者自安也安教者安他也不顛倒故故知

安教是故次說所說悉具足說者言說也即是安教具足者辯正深妙顯現決斷說不顛倒到真實義不違二諦故曰具足是故禮彼名供養法阿羅漢者到究竟處法相滿足是故次說阿羅漢真實福田應彼供養故曰阿羅漢此一向說無學也說無學已次說學見真實真實者四聖諦不顛倒謂已學八忍八智見彼真諦故名見真實雖住見道末周四諦必當見故亦名見真實問何故敬禮答牟尼尊悉知 法聚二種相 亦為他顯現

我今說少分

牟尼者身口意滿故曰牟尼悉者凡一切智所說修多羅毗尼阿毗曇流布至今知者知見覺義也法者持也持自性故名法法有積聚故名法聚彼善法善法聚不善無記法亦如是二者數名相者相貌也問云何二相答自相及共相自相者不共即此非餘如礙相是色如是比共相者共此及餘如色無常如是比問若礙相是色自相者亦是共相觀四陰故是自相觀十種色故是共相如是自相

即共相觀故二種自相共相則為不成答一自故礙者色相故名色自相衆色差別故說十種汝言觀故自相共相不成者不然何以故不壞故如父子如果種如苦集諦如聽制若觀自相則非共相若觀共相則非自相如一人亦名父亦名子以父故名子以子故名父若觀父則不觀子若觀子則不觀父若言不成者不然何以故已成故是為父子義成若善若惡正見邪見於中廣說起無間業若無父義亦無無父邪見及有父正見此若無